

THE
WILLIAM R. PERKINS
LIBRARY
OF
DUKE UNIVERSITY



Rate Books



I. N. D. N. I. CH.

DISSERTATIO

HISTORICO-THEOLOGICA

De

FIDE ABRA- HAMICA

In

NATIVITATEM CHRISTI

Quam

AUSPICIIS DIVINIS

PRÆSIDE

DN. BALTASARE BEBELIO,

S. THEOL. D. ET PP. ORD. &c.

Publicè defendet

M. CORNELIUS ~~ESCHENBRANDT~~

Argentinenfis.

Ad Diem

Mens. Januarij.



ARGENTORATI,

Typis JOHANNIS WILHELMI TIDEMAN.

ANNO M. DC. LXIX.

ALL INFORMATION CONTAINED

HEREIN IS UNCLASSIFIED

DATE 10-10-2001 BY SP-6

10450000000000000000

10450000000000000000

10450000000000000000


10450000000000000000

10450000000000000000

10450000000000000000

10450000000000000000

10450000000000000000



I. N. D. N. I. C H.

FIDES ABRAHAMICA

DE

INCARNATIONE ET NATIVITATE
MESSIÆ.

PROOEMIUM

§. I.

Fides in S. Literis varias habet significa-
tiones, quas concordantiæ, & Lexica Theolo-
gica exhibent: Nos brevitatis Studiosi id so-
lum h. l. monemus, quod alia sit fides, quæ cre-
dit, alia quæ creditur; *hæc* est ipsum istius objectum, ver-
bum nimirum Dei, & in specie doctrina Evangelica, in
qua benevola Dei voluntas, meritum Christi, & alia sa-
lutis nostræ media revelantur, & credenda proponuntur.
Actor. VI. 7. XIII. 8. Rom. I. 5. III. 31. 1. Tim. III. 9. *Ista* au-
tem est actus mentis nostræ, qui promissionem Evange-
licam apprehendit, & credenti applicat. Heb. XI. 1. seqq.
In hoc sensu h. l. vocabulum fides accipimus, ita tamen,
ut alterum significatum eatenus includamus, quate-
nus veræ fiduciæ suum objectum perpetuo respondet, ut
correla-

correlatum suo relato. Hoc ipso autem innuimus sermonem nobis non esse de fide humana, sed divina; nec de nuda historica, sed iustifica, & salvifica. Loquimur enim de Fide *Abrahamica*, qua ipse Deo credidit, & iustificatus est. Gen. XV. 6. Rom. IV. 3. 20. 22. *Abrahamica* autem dicitur partim *subjectivè*, quia ipse Patriarcha ea fide fuit præditus. Rom. IV. 3. Ebr. XI. 8. 17. partim *exemplariter*, in quantum vera fides, qua omnes iustificamur & salvamur, eadem est cum fide Abrahami, ideo in S. li-teris proposita, ut ad instar istius nostram fidem componeremus. Rom. IV. 23. 24. De priore respectu nobis, h. l. potissimum sermo est, qui in Historia Abrahami Patriarchæ ejusdemque Ecclesiæ enarranda versamur.

§. 2. Cum vero istius fidei Abrahamicæ varia sint objecta, circa quæ versata est, & nobis non propositum sit de omnibus istis h. l. agere, ideoque expressimus speciale aliquod ipsius objectum, nempe *incarnationem & nativitatem* Messiae, de quo nunc agendi animus est. Voluimus enim tempori inservire, quod in mysterio incarnationis Christianæ hæcenus transactum est. Nostra sententia hoc mysterium non in Novo solum Testamento revelatum est & cognitum, sed jam in V. T. omnibus salvandis, adeoque & Abrahamicæ Ecclesiæ, de ipso tantum constitit, quantum ad fiduciam concipiendam & salutem æternam consequendam requirebatur. Differentia solum in tempore erat, & gradu: Credebant isti sub veteri foedere in incarnandum, nos in incarnatum; isti obscurius, nos illustrius; prout revelatio magis magisque inclarescebat. Summa hæc est propositi nostri, quam paulo explicatiorem dabimus, breviter tamen, ut nec modum disputationum Academicarum, nec desideria Dn M. Respondentis excedamus. Jesus noster, quem
fidei

fidei Abrahamicæ oculus vidit, & gavisus est, Spiritus
sui Sancti gratiam clementer nobis admetiatur!

ASSERTIO I.

*Principium, unde Fides Abrahamica probari
debet, est Scriptura Sacra.*

PRincipium, ut quidem nos h. l. sumimus, illud est, unde aliquid vel cognoscitur, vel fit: ut sensus verborum nostrorum hic sit: Scriptura Sacra est illud medium, quo Deus nobis hodie revelat, quid Abrahamus crediderit. Aliud igitur est querere de principio, unde Abrahamus fidem suam conceperit, & conceptam foverit, & aliud, unde nos hodie scire possimus, quæ fuerit fides Abrahami? Hoc nos novimus ex solis sacris literis fide divina; istius vero principia & causæ variæ fuerunt, ut paulo post ostendemus. Tenendum autem est, quod alibi prolixius dicitur, per scripturam nos h. l. non meram, & solam literam intelligere, sed etiam consequentias ex litera legitimè deductas: Prophetas apparet profecto dies noctesque meditato scripta Moysi, ac præcipue hæc Patriarcharum historias, ac mirabiles **CONSEQUENTIAS** ex ipsis habuisse. Adjuvat enim diligentiam Spiritus Sanctus. Ideo quoque, quoniam Deum sic copiose cum Abraha colloqui non pœnitet, paulo diligentius expendemus omnia, cum Luthero loquimur, ex tom. II. enar. in Gen. f. 85. Paulum Apostolum imitabimur, si hoc fecerimus. Is enim, etsi Spiritu Sancto immediatè afflatus, attamen è sacris literis de fide Abrahami disseruit, & consequentiis usus est, ut ostenderet Abrahamum fide, non operibus, & gratia, non suis meritis, per imputationem, non inhæSIONem esse justificatum. Rom. IV. 2. seqq. Gal. III. 8. Adjungemus tamen etiam Ecclesiæ vetustioris suffragia, sicubi opus esse viderimus, ut appareat, nos cum ipsa etiam in hoc fidei nostræ puncto conspirare. Sciendum insuper, quod dicta scripturæ huc facientia alia sint generalia, alia specialia: ista voco, quæ de credendis & credentibus in communi agant; hæc vero, quæ ipsam Abrahami personam, & fidem exprimunt. e. g. Actor. X. 43. Petrus in domo Cornelii inter alia concionabatur, quod de Jesu Christo testarentur omnes Prophetæ, & ita quidem

dem, ut per nomen ipsius, quotquot in ipsum credunt, remissionem peccatorum sint accepturi. Act. XV. 11. idem aperte profitemur: Credimus per gratiam Jesu Christi nos salvatum iri, sicut & Patres nostri: 1. Pet. I. 10. Prophetæ dicuntur scrutati esse beatitudinem, quæ emergit ex fide in Jesum Christum. Hæc testimonia clare nos docent, quod ea ipsa fide, qua nos in N. T. veteres etiam in V. T. fuerint illuminati, & salvati: Nostra autem fides agnoscit & apprehendit Messiam etiam in sua humana natura, juxta quam pro nobis passus est; & mortuus; quare & veteres fideles, & in his etiam Abrahamus, ipse Prophetæ, hac ipsa fide fuit præditus, & salvatus: sed nos præcipuè solliciti erimus de dictis Abrahamum ipsum exprimentibus, ut tractatio respondeat titulo disputationis. Confer. D. Chemn. Harm. Evangel. c. CIII. §. 5. f. 124. num. 4.

ASSERTIO II.

Principium, quod fidem de incarnatione Filij Dei in mente Abrahami accendit, fuit Deus, suis tamen mediis & instrumentis usus.

Insinuamus his verbis distinctionem inter principium quod, & quo: Istud dicimus fuisse DEUM, & quidem Patrem, Filium, & Spiritum Sanctum; hoc vero verbum DEI, & alia verbo analogæ media, quæ DEUS pro suo arbitrio in plantanda Patriarchæ fide adhibuit. I. DEUM fuisse principium innuitur Gen. XII. 3. ubi DEUS Abrahamo promittit: in te benedicentur omnes familiæ terræ: Ex prædicato potuit discere Abrahamus subjectum, nempe Messiam, benedictionis fontem. Confirmatur ex Isai. XLI. 2. & 4. dicit enim DEUS sese fuisse, qui justum ex oriente evocarit, Abrahamum putat Patriarcham. DEUS enim est, qui Abrahamo dicit: Semini tuo dabo terram hanc. Per hoc semen potest intelligi etiam semen Abrahami benedictum, quod aliquando in hac terra erat proditurum. Certè Abrahamus e vestigio aram in isto loco erexit, quo autem fine? nisi ut futuram Messie passionem & mortem

mortem sacrificiis oblati adumbraret, & profiteretur. Clarissime omnium hoc expressum est Gen. XXII. 16. Nam יְהוָה concepto per semetipsum juramento Patriarchæ per omnia obsequio promittit semen, è quo omnes in terra homines benedictionem accepturi sint. Simul ex hoc loco apparet, Filium ipsum Dei Abrahamo sui nativitatem revelasse. Dicitur enim Angelus Dei. vers. 11. 15. quod nomen est Filii, qui verbum Patris est, & mysterium Evangelicum nobis edisseruit. Joh. I. 18. Deus idem est, qui, quod Abrahamo intimaverat, etiam fœdere confirmavit. Genes. XVII. 9. seqq. Promiserat DEUS Abrahamo vers. 4. quod Pater esset futurus multarum gentium, qua de causa nomen quoque ipsi mutaverat, ut pro Abram Abraham, pater multitudinis appellaretur. His verbis inclusa erat tacita mentio Messia. Sumus enim filii Abrahami per fidem in Christum, Abrahamæ semen; Istim igitur promissionem Deus imperata circumcissione veluti sigillo addito obsignavit. Ut enim Abrahamus, & posteri scirent, ex suo semine Messiam esse proditurum, Deus illud membrum circumcidi voluit, quo mediante semen Abrahami erat propagandum: *reclularis ritus (Circumcisionis) ideo propositus est, ut esset toti mundo insigne monitorium, Christum ex Judæis venturum*: ait Luther. Comm. in Gen. XVII. fol. 77. b. enar. Quo cum sentit noster B. Erasmus Marbach. Comm. in Gen. I. c. Dicens enim de causis Circumcisionis datæ, etiam hanc assignat: *ut signum sit venturi Messia è semine Abrahæ, & hoc signo profiteantur, se in promissum illud semen credere.* pag. 172. Confer. D. Gerh. comm. in Gen. pag. 360. q. 2. Deus igitur hoc justitiæ sigillo Rom. IV. 11. fidem Abrahami credentis confirmavit.

II. Principium, quo usus DEUS est, fuit ipseus verbum, quod immediate adhibebat in hoc mysterio revelando. Nemo Patriarcharum est, quo cum plus verborum DEUS miscuisse legitur, quam cum Abrahamo; nec de alia magis materia colloquebatur DEUS, quam de semine futuro. Accedebant quidem etiam apparitiones, visiones, somnia, miracula, sed omnia ea verbum habebant pro fundamento. Gen. XII. 1. DEUS dicebat ad Abrahamum, cum ipsum è patria sua evocaret; eidemque loquebatur de benedictione: *Benedicam tibi benedicientibus, & maledicam maledicentibus; Et in te bene-*

te benedicentur omnes familiae terrae. v. 3. imò v. 2. dixerat, Abrahamum, i. e. semen Abrahami fore ipsissimum benedictionem. Hoc verbo, dubium non est, quin fides Abrahami pridem increduli, fuerit accensa, ut spem & fiduciam conciperet de futuro semine, in quo & ipse benedictionem habiturus esset. Per fidem enim DEO obedivit vocanti, ut de patria egressus in terram hereditatis veniret; fides autem ex auditu, auditus autem per verbum DEI. Hebr. XI. 8. Rom. X. 17. Eodem DEI verbo fides Patriarchae nutrita, aucta, & confirmata est. Gen. XV. 1. seqq. subiunxit Moses, Abrahamum in magnis angustiis & tentationibus; ob hostes forsitan imminentes, fuisse constitutum: DEUM igitur solatio adhibito conternatum erexisse; promississe enim semen ex ipso Abrahamo futurum Messiam, & ex hoc copiosam credentium multitudinem; quod cum crederet Abrahamus, & vera sibi fiducia applicaret, imputata est ipsi fides in iustitiam. v. 5. & 6. Idem aliquoties repetitum est etiam postea, ut Gen. XVII. 1. ubi DEUS iterum Abrahamo apparet, colloquium cum ipso habet prolixum, & jucundum; imprimis ipsi imperat circumcisionem, qua caeremonia promissio confirmaretur. Gen. XXII. 16. seqq. gravissimis verbis promissionem repetit, & illustrat: adeo, ut & juramento corroboraret. v. 16.

Solet enim DEUS verbo addere *sacramenta*, veluti sigilla, quibusea, quæ in verbo promisit, confirmet. In his sacramentis sunt sacrificia, & circumcisio. *Sacrificia* Abrahamum obtulisse, dubium non est; erexit enim altaria, veluti templa, in quibus DEO victimas caderet & accenderet, & verbum, quod de futuro Messia prædicabat, hoc ipso confirmaret & obsignaret. Gen. XII. 7. XIII. 4. Illustre sacrificii exemplum habetur cap. XV. 9. seqq. Promiserat DEUS Abrahamo possessionem terræ Canaan: eum Patriarcha signum peteret & sigillum factæ promissionis. DEUS igitur iussit adduci triennem vaccam, capram, arietem, turturam, & pullum columbinum. v. 9. quo factò, mactatæ sunt, & divisæ victimæ, exceptis avibus, quæ integræ manserunt. Sole submerso, & tenebris factis, fumus velut è clibano surgebat, & flamma, qua DEUS erat indutus, per divisas victimarum partes transibat. *Veterum morem hunc iniendorum fœderum esse apparet. Ac DEUS, quia*

cum Abrahā paciscitur de terra Canaan, posteritati ipsius certo tradenda, servat ipse quoq; hunc morem, & transit per divisam hostiam, seu flammā, atq; incendit eam, in signum, quod gratum ei sit hoc sacrificium. verba sunt Luther. enar. Gen. 15. f. 62. Non autem solam Cananæ possessionem externam sacrificium respiciebat, sed vel maximè Messiae nativatem. Quia enim futurum erat, ut Israelitæ aliquot centum annos in Ægypti gravissima servitute consumpturi essent, metuendum erat, ne ipsis extinctis Messiae quoque promissio in fumum abitura esset. Ideoque opuserat Abrahamum edocere, quod hostes suo semini non prævalituri essent, etsi irruituri in ipsum, sicut aves super prædam. v. 11. Egregia est B. Lytheri glossa ad v. citatum: **Das Gefögel und derrauchende Ofen/ und der fiewrige Brand bedeuten die Ägypter / die Abrahams Kinder Verfolgen solten / aber Abraham scheuchte sie darvon. i. e. GOTT erlöset sie umb der Verheißung willen Abraham versprochen. &c.** Aliud sacrificium recensetur Gen. XXII. 13. Postquam enim Abrahamus vetitus esset filium suummet mactare, arripuit arietem, in vepreto cornibus suis intricatum, hunc vice filii sui cædit, & sacrificium offert: quo sine? unanimis Patrum antiquiorum, & recentiorum interpretum consensus est, ut typus esset Messiae aliquando pro nobis interficiendi; Nec dubium est, quin instinctu id DEI fecerit, qui promissionem seminis benedicti paulo ante repetiverat, & firmarat: Neque enim *idēthogenēicus* DEUS delectatur, aut Abraham iisdem utebatur, ex nutu & ore DEI pendens Patriarcha: quare mandatum DEI necesse est habuisse.

De Circumcisione dictum est, quod fuerit signaculum iustitiæ, ex fide venientis Rom. IV. 11. Iustitia, qua Abraham iustificatus est, est meritum Messiae, quod præstiturustum adhuc erat, & id juxta utramque naturam. Oportuit igitur credentem nosse suum salvatorem juxta utramque illam, adeoque & humanam, naturam; Et consequenter sacramentum, quod obsignat fidem, quæ credit, obsignat etiam, & confirmat, eam, quæ creditur: *imposita hac de circumcisione lex Judæis est, non ut per eam iustificarentur, frustra enim sic promissus esset Christus, sed ut essent populus distinctus ab omnibus aliis populis, ut sciretur, ex quo populo, ex qua mundi parte nasendus esset Sal-*

vator : ait Luther. ad Gen. XVII. simul etiam, ut fides illa obfignaretur : Abrahamo circumcifio fuit *σφραγίς* h. e. obfignaculum & confirmatio iuftitiæ fidei, fcilicet, quod ex fide in futurum Mefſiam eſſet gratis iuſtificatus, & DEO acceptus, etiam tum, cum adhuc propitium haberet, explicante B. D. Weller. Comm. in Rom. l. c.

Circumſtantia harum revelationum fuerunt variæ: DEUS enim *πολυμήκης καὶ πολυλόγους* Patribus loquebatur. Hebr. I. 1. Id quod in hiſtoria Arahami aliquot exemplis illuſtrari poteſt. Gen. XII. 7. extat vox : *ויי* & viſus eſt : DEUS igitur in viſibili aliqua ſpecie Patriarchæ apparuit : quâ autem? an humana? ſic putant communi opinione : præſertim, quod tum futurum ſemen humanum revelaret. v. Wolf. Franz. de interpr. Script. orac. 47. nemo, inquit, dubitet, Abrahamo oblatam & exhibitam in divina viſione fortiſſima fuiſſe itidem perſonam & faciem Jeſu Chriſti, prout natus fuit ex virgine gentis Abrahamitica, credit, miniſterio miraculorum deſungi accepit, à paſſione, exaltatus fuit ad dextram Patris, & in ultimo die omnes eſt excitaturus, & in altera vita coronaturus : Gen. XV. 1. dicitur verbum DEI ad Abrahamum veniſſe *בבמה* in viſione : Intellexit igitur Abrahamus DEI præſentiam, & hanc noctu ; Nam jubebatur foras ire, & ſtellas numerare, quod noctu, non interdiu præſtare poſſumus. Viſio ſeu apparitio in ſpecie eſt, cum DEUS apparet per imaginariam viſionem non tanquam in ſomnis, ſed vigilantibus. Sicut proſpecto Abraham, cum hac ei loqueretur Dominus, non dormivit : Venit enim foras, & juffus eſt cælum intueri, ac ſtellas numerare. Hac imaginaria idea ſine ſpeculatione facta eſt, oculis apertis, & vigilantibus : judicium eſt Lutheri enar. Gen. l. c. confer. B. Gerhard. Comm. ad l. c. Gen. q. 2. p. 324. Somnia etiam inter modos revelationum referuntur Num. XII. Habemus en ! exemplum Gen. XV. 12. dicitur enim ſopor Abrahamum oppreſſiſſe, cum DEUS ipſi intima. ret futuram poſteriorum conditionem in terra peregrina.

ASSER-

ASSERTIO III.

*Abrahamus adhuc inter homines degens vera
in Messiam nascendum fide fuit
præditus,*

Dicimus (I.) Abrahamum adhuc inter homines degentem in terris credidisse Messiae nativitatem, ut nos separemus à sententia Pontificiorum, qui in commentariis ad locum Joh. VIII. 56. statuunt, Abrahamum adhuc temporis in limbo suo constitutum rescivisse ex Simeone Justo, Zacharia, Elisabetha, defunctis, vel etiam Angelis, quod Messias in carne esset exhibitus. Sic enim Jodocus Clichtovæus, Neoportuensis, Flander, Doctor Theologus Parisiensis sententiam suam exposuit: *Missa faciamus hæc tria superius adducta, dicentes, Abraham vidisse diem Domini, quando jam in placida sanctorum patrum requie positus, cognovit filium DEI esse incarnatum. Erat enim ille dies Domini, quo carnis nostræ substantiam pro nobis assumpsit. Et id quidem cognovit Abraham completum esse, per testificationem justī Symeonis, qui post Dominum susceptum in ulnis requievit in pace, & intima vit sanctis Patribus eum natum. Aut per denunciationem Angelorum sanctos Patres visitantium sæpius, & quæ consolationem eis afferrent, spemque propinqua liberationis præstarent, benigniter ipsis significantium. Cum itaque editus est in mundum virgineo partu Dominus noster, quis addubitaverit Angelos antiquis illis patribus annunciasse salvatoris ortum, sicut & in terris nunciaverunt pastoribus? Hæc ille in supplemento Cyrilliani in Johannem Commentarii lib. VI. cap. II. (Nec enim quatuor sequentes libri sunt ipsius Cyrilli, quod, si per errorem, si ve per insidias & fraudem dicit inscriptio in editione Cyrilli, quæ latina prodiit Paris. 1604. fol.) suffragantur Clichtovæo Sebast. Barradius in harm. ad l. c. Joh. Maldonatus: Cornelius à Lapide ad ad l. c. & alii Pontificiorum.*

Temere autem hoc asseritur: cum neque in loco allegato, neque in aliis scripturæ dictis de limbo isto Patrum vel vola vel vestigium habeatur; multo minus, quod Angeli in locum istum descenderint, consolaturi Patriarchas. Nos igitur in litera manemus,

mus, & dicimus, Abrahamum, cum adhuc in his terris vivus degeret, vera fide adventum Messia in carnem prævidisse, & præviso illo gavisum esse. Sensum hunc non verba solum, sed & Judæorum exceptio, & Christi responsio generant. Judæi, quibuscum Christus loquebatur, ut intelligere loquentis verba possent, verba Christi ita accipiebant, quod Christus tum fuerit, cum ab Abrahamo videretur, quod ipsis perabsurdum erat, eo quod Christus nondum quinquaginta annos natus esset : Abrahamus autem aliquot ante annorum millia extitisset : Regessit Christus, absurdum non esse, quod dixisset, Abrahamo sese fuisse, ut sic loquar, σὺ ἦχρον, fuisse enim sese, sc. quoad divinam suam naturam, antequam vel Abraham extitisset, nedum ipso etiam existente. Hæc Judæis blasphemiam videbatur, quod se ipse DEUM faceret æternum, quare lapides tollebant, ut blasphemum caput ipsis operirent. Fac hunc esse sensum : Abraham in limbo constitutus per aliquot heri & nudius tertius defunctos, vel etiam Angelos, rescivit, me esse hominem factum : Judæi ineptè excepissent : nondum es quinquaginta annos natus, & tamen Abrahamum vidisti : Nec enim opus erat Christum tot vel tot annos transegisse, ut ab Abrahamo in limbo cognosceretur ; cum & infans bimulus, vel trimulus cognosci possit homo : Ineptius etiam Christus respondisset, antequam Abraham esset, ego sum : quid enim hoc ad incarnationem Christi ?

Excipiunt Papistæ, sensum, quem nos dicimus, dicti esse non posse : sensum dicti hunc esse nos dicimus : Abrahamus promissione & revelatione divina illuminatus desideravit me videre in carne assumpta, quale & reliquorum Patriarcharum, etiam Prophetarum, & Regum desiderium fuit Luc. X. 24. Et vidit etiam, scilicet in specie per visionem oblata, ut verbis D. Franzii paulo ante assert. 2. explicuimus. Alii ita : Abrahamus accepta seminis benedicti promissione lætus fuit in omnibus etiam calamitatibus suis, eo quod crederet in carne me quondam compariturum, redimendi generis humani gratia ; hoc ipse tam firmiter credidit, ac si ipsissimis suis oculis vidisset impletum, & propterea summo gaudio affectus est! : in hunc ferè sensum explicat dictum B. Chemnit. harm. cap. 103. Excipit Maldonatus comm. in Joh.

VIII. §. 130. *Mihi non videtur, quod Christus dicit: vidit & gavisus est, aut de sola fide, aut de figura, vel Prophetica revelatione intelligi posse. Cum enim dicit: vidit, haud dubium, quin eo modo vidisse dicat, quod videre tantopere dixerat concupisse. Non autem concupiverat sola videre fide, quia, antequam fidem haberet, cum nullam de Christo notitiam haberet, diem ejus videre concupiscere non poterat; postquam habuit, concupiscebatur quidem, at non sola fide, quia fide jam Christi diem videbat. Neque per figuram, aut revelationem, quia cum fidem jam certissimam haberet, nec figura, nec revelatione opus illi erat, nec poterant ejus satiare desiderium. Vidit ergo diem Christi reipsa. &c. Resp. ad (1.) Videre diem Messiae, & concupiscere ipsam videre sibi invicem non repugnant: ut non repugnant credere Messiam esse incarnandum, & tamen exultare per & propter istam fidem, & subinde plura desiderare videre, & nosse de isto mysterio. Ad (2.) eadem responsio quadrat. Creditit Abrahamus Messiam esse carnem assumpturum, & desideravit ipsum in hac carne videre, cujus sui desiderii etiam compos est factus in visione, qua Filius Dei sese per speciem ipsi stitit contemplandum. vide Chemnit. l. c. Tarnov. Comm. in Joh. h. l. pag. 737. seqq.*

Ut hæc uberius illustrentur redeundum est ad Moysen, qui de Abrahami visionibus plura refert. Suffecerit unicam adduxisse. Gen. XVII. 17. dicitur Abraham risisse, audito, quod è Sara semen, seu Filium, esset suscepturus; quæ tamen promissio non eo accipienda est, quasi merè esset corporalis: *Observandum præcipuè hoc est, quod hæc promissiones includunt ipsum Christum, imò æternam vitam, etsi non de Christo, sed de Isaaco videantur loqui. Ideo Paulus in Romanis addit, Scripta hæc non propter Abrahamum, sed propter nos credituros Abrahamæ exemplo. Nam promissio temporalis est cœu nux, quæ tegit nucleum Christum, & æternam vitam. ait Luther. enar. in Gen. XVII. Posito igitur, quod promissio loquatur de semine etiam benedicto, Messia, è posteris Abrahami prodituro, gaudium quoque seu risus non erit de solo Isaaco, sed etiam Messia nascendo: Ideo ridet & letatur, ac postea ex hoc ipso risu, & hoc spiritali & ineffabili gaudio inditur nomen Filio, & vocatur Isaac ad perpetuam memoriam, & monumentum æternum tam pulchræ, firmæ, & certæ fidei, quod ad hanc vocem, vix dum emissam à Domino, tanto gaudio sanctus vir impletur. Quod*

enim in terram cadit, & ridet, est sicut Christus Joh. VIII. 56. exponit, gestus animi exultantis, & exuberantis gaudio, quod nunc demum certus est, se patrem, Saram autem matrem, fore Jesu Christi, filij Dei, per quem salus & benedictio toti orbi terrarum sit obvolutura; Iterum verba sunt B. Luther. f. 92.

ASSERTIO IV.

Incarnatio Filij Dei Abrahamica fidei objectum fuit.

Revelatum est hoc mysterium Patriarchæ. I. *Expressis verbis*, subinde tamen clarioribus Gen. XII. 2. seqq. cum ipse dicitur futurus esse benedictio. vers. 3. & c. XVIII. 18. in quo omnes familiae terræ sint benedicendæ; Ipse tamen immediate non intelligebatur, sed Messias ex ipso proditurus: sicut clarius explicatum est ab ipso Dei Filio, Gen. XXII. 18. testantibus Apostolis, Petro Actor. III. 25. & Paulo Gal. III. 8. Semen alias variis rebus attribuitur, plantis, bestis, hominibus: & significat interdum multitudinem, interdum individuum, quo sensu in allegatis dictis accipitur. Quia enim semen Abrahami appellatur, consequens est, intelligi semen humanum: quod Messias futurus esset homo verus, ut Abrahamus homo est: Et quia in singulari Moses loquitur, semen, inde colligit Apostolus *deus unus*, de uno sermonem esse, non de pluribus. Perpetua hæc est Hermeneutica regula: Is sensus, qui ex verbis ultro fluit, urgendus, & pro genuino habendus est, donec evidenti necessitate à litera dimoveamur. Cum igitur *semen*, de uno, non *semina*, de pluribus dixerit Moses, vel Deus apud Mosen, consequens est unum intelligi individuum, non plura. Hoc autem individuum non merum fore hominem, sed & Deum, è benedictione universali colligere potuit Abrahamus. Benedictio opposita est maledictioni Gen. XII. 3. Omnes igitur homines erant sub maledictione, quia omnes erant benedicendi. si autem omnes homines sub maledictione erant, igitur is homo, unde benedictio erat ventura, non fuit homo sub maledictione positus, sed Deus omnis benedictionis auctor. Qui autem non sub maledictione positus, si homo? Respondeo, quia iste homo non erat per naturalem traducem

ducem è viro & fœmina gignendus, sed è Virgine semen assumpturus: Qui porro benedictionem impertiturus omnibus omnino hominibus, nisi ex communione cum divina natura? Prædicatum divinæ naturæ tribuitur semini Abrahamico; oportet igitur semen Abrahami ipsum fuisse Deum, non tamen essentialiter; Nam adhuc semen vocatur, cum benedictio de ipso prædicatur; personaliter igitur, ut communio idiomatum locum haberet. Cum prædicatum divinum de quo prædicatur, alterutrum erit, aut Deus erit subjectum merus, aut natura Deo personaliter unita. Neque enim Deus gloriam suam vult alteri dare. Semen autem Abrahami non est Deus merus; est enim & manet semen Abrahami. i. e. homo verus; igitur *Σάντερον*:

Habes summam mysterii. Et in ea incarnationis (1.) *Efficientem* causam, quæ est ipse Deus. Gen. XII. 2. seqq. Deus Abrahamo promittit benedictionem in omnes terræ familias redundaturam, sed quo auctore? seipso. Dicit enim: Ego te faciam gentem magnam; Ego tibi benedicam: Ego dabo nomen magnum, ut sis benedictio, si igitur DEI beneficio Abrahamus factus est benedictio, sequitur DEI quoque opera Messiam esse natum. Consequentia patet, quia causa causati, est etiam causa causæ: benedictio omnium hominum est opus Dei, quare & Messias, unde illa benedictio fuit, erit opus Dei, quo incarnatio facta est. Naturæ vires nihil cooperaturæ erant, ut è virgine nasceretur Messias, sed id unius Dei opus futurum erat. *Præfiguratum* hoc erat in Isaac. Hic enim è lapidibus, i. e. Abrahamo & Sara extractis senibus natus est, juxta Dei promissionem; Deus senum vires excitavit, elevavit, aptas reddidit, ut prolem ferrent, quod supra naturæ facultates erat. Curiose hoc & prolixè in S. literis notatum est, ut futuram Messiæ nativitatem ope Dei, non naturæ virtute, futuram fideles præsumerent. Deo enim nihil est impossibile. Gen. XVIII. 14. Et *Melchisedech* typum gessit, *ἀπάρας καὶ ἀμύκρας*. Gen. XIV. 18. 19. Heb. VII. 3.

(2.) *Materialem*: quæ fuit divina & humana natura in una persona unitæ. Divina natura è benedictione, adeoque ex effectibus, colligebatur. Persona, unde omnis benedictio in creaturas manat, necessario Deus est, ut paulo ante ostensum. Confirmatur ex Gen. XXIV. 9. Refertur enim Eleazer manum suam sub

sub femore juraturus posuisse : juravit igitur per ipsum femur heri, aut per aliud : non per femur ; hoc enim neminem obligare potest, Ergo per aliud. Quod illud? creatura? absit. non est jurandum, nisi per Deum creatorem cœli & terræ. Gen. XIV. 22. Fuerit igitur Deus, per quem Abrahamo juravit servus: Quæ autem Dei persona? secundam dicimus. Hæc enim inter femora Abrahami, mediatè tamen, proditura erat quoad humanam suam naturam : *Hic clarè testantur scriptura, patribus non ignotum fuisse mysterium divinitatis, præcipue Abrahæ; qui non passus fuisset fieri juramentum in hæc verba, si non intellexisset semex plus esse, quam hominem.* ait Luther. Comm. in Gen. f. 233. b. Humana natura patebat ex semine, quod promissum erat. Semen autem animatum est, animâ, quæ hominem constituit, erat enim Abrahami semen: Messias igitur ex Abrahamo habiturus erat & corpus, & animam rationalem. Requirebat hanc naturarum dualitatem opus benedictionis à Messia præstandum. Non est hoc unius & meri Dei, quippe qui mori non potuit, quod tamen ad expiationem peccatorum necessarium erat; nec meri hominis, minores enim sunt talis vires, quam quæ sublata maledictione benedictionem omnibus hominibus acquirerent: quare utraque & divina & humana naturis opus erat ad ἀποτέλεσμα istud præstandum. Hæc fidei salvificæ dogmata necessario scienda sunt, si modo fides vera fuerit, ut fuit Abrahami.

(3.) *Formalem*, quæ est assumptio humanæ naturæ in ὑπόστασιν λόγῳ, facta in utero materno. Duas Messiam naturas esse habiturum ostendimus : Eundem autem unam fore personam è numero singulari, semen, colligitur; Gen. XXII. 18. Angelus ait. *in tuo semine*: de uno loquitur; non pluribus, Gal. III. 16. In uno hoc semine duas naturas ad unam personam esse uniendas Abrahamus colligere poterat ex ἀποτέλεσμασι, quæ de semine isto prædicabantur. Prædicabatur benedictio: *Tu eris benedictio*, i. e. tuum semen erit benedictio; Et hoc etiam per communicationem; *in tuo enim semine benedicentur omnes gentes*: quod est ἐνέργημα divinum. Oportet igitur semini Abrahamico communicandam fuisse virtutem divinam. Communicandam autem vel extra unionem, vel per unionem personalem; non extra; Deus enim suam gloriam

gloriam non voluit etiam tum alteri dare; quare in, & per, unionem, qua mediante natura humana fieret Dei natura, ut adeo divina axiomata non alteri, sed ipsi Deo juxta naturam propriam, humanam scilicet, communicarentur. Credidit hoc Abrahamus. Joh. VIII. 56. dicitur vidisse *diem Messiae*: incarnationem igitur. Dies enim Messias numerabat ab incarnatione, & porro; subjectus temporum vicissitudinibus, ut diceretur natus octo dies, duodecim annos, triginta annos &c. quo modo numerare non poterat dies ante incarnationem, utpote quod in aeternitate dies, menses, anni non fuerint.

(4.) *Finalem*: quæ coincidit cum ipsis effectibus. Comprehenduntur hæc uno vocabulo: *Benedictio*. Genes. XII. 2. 3. XVIII. 18. XXII. 18. Hoc enim vocabulum complectitur omnia ea beneficia, quæ propter *Σαρκωσιν* humano generi divinitus commodantur. Dividi ea possunt in duas classes, quarum prior continet beneficia privativa; posterior positiva; privativa, quatenus à malis liberamur; positiva, quatenus bonis condonamur. Quæ autem sint in specie hæc bona, in compendio exhibuit Paulus Eph. I. 3. seqq. Gratias enim agit Deo Patri Domini nostri Jesu Christi, propter benedictionem nobis præstitam quoad benedictionem spirituales in cœlestibus bonis per Christum. Enumerat deinde capita benedictionis primaria, quæ sunt prædestinatio facta ab æterno per Christum, ut in ipso essemus sancti & irreprehensibiles in charitate; §. 4. Adoptio per & propter eundem Jesum Christum, conciliata juxta benevolam Dei voluntatem; §. 5. Gratia apud Deum pridem iratum, denuo propter Christum collata; diligimur enim in dilecto. §. 6. Redemptio per sanguinem ipsius, quæ est remissio peccatorum, facta juxta divitiarum gratiæ. §. 7. Revelatio hujus benevolæ voluntatis divinæ, & meriti Jesu Christi, facta per eundem nostrum Salvatorem. §. 8. 9. Prædicatio beneficii inter Judæos & Ethnicos, ut sub unum mysticum caput redigerentur. §. 10. Hæreditatio eorum, qui ante ordinati erant juxta propositum Dei omnia operantis; §. 11. Fides in Christo fixa. §. 12. Obsecratio credentium, quæ fit per Spiritum Sanctum. §. 13. Pignus nostræ hæreditatis. §. 14. Hic commentarius esto benedictionis à semine Abrahami proventuræ.

Comprehendi hæc omnia & connexa beneficia in voce *Benedictio*, à DEO Gen. XII. XVIII. XXII. usurpata; & ita (quoad substantiam saltem) intellecta & credita esse ab Abrahamo; asserimus, & probamus. I. Scriptura non limitante, vel excipiente quadam, licet, & oportet verba ipsius, præsertim favorabilia, latissimo sensu accipere, nempe de omnibus illis, quæ sub isto significato comprehenduntur: secus multum de certitudine sacrarum literarum periret: Jam vero scriptura nec limitat, nec restringit, nec excipit quicquam in voce *benedictio*, quare nos sub ista omnia ea benedictionum genera complectimur, quæcunque in aliis scripturæ dictis explicatius hoc nomine appellantur. II. Abrahamus scivit & credidit omnia ea doctrinæ capita, quæ ad fiduciam justificam & salvificam concipiendam & fovendam saltem necessariò requiruntur. Suppono, Abrahamum fide justificam & salvificam fuisse præditum, quod clarissimum est ex Gen. XV. 6. Rom. IV. 3. Gal. III. 6. Heb. XI. 8. Suppono etiam, Eam Abrahami fidem esse natam è verbo DEI, in quo credenda ipsi proponebantur: id quod assert. II. probatum dedimus: Hinc sequitur, revelata quoque fuisse Abrahamo ea dogmata, quæ fidem veram generant: Effectus enim præsupponit causam; Ejusmodi autem dogmata sunt beneficia divina de nostra redemptione, electione, adoptione, justificatione, renovatione &c. ab Apostolo Eph. 1. 3. seqq. recensita. Fiduciam in Deum concipere non potest, nisi ille, qui credit, Deum pridem sibi iratum, esse sibi reconciliatum: Reconciliatum autem per quem? hominem merum? absit; hi enim sunt sub maledictione, reconciliatore ipsi opus habentes; Per DEUM igitur ipsum, eumque incarnatum, ut Mediator esse posset. Reconciliatus qui est, peccatori veniam dat delictorum: data venia remittitur pœna, peccatis debita; sublatis & peccatis & pœnis, ultro è natura DEI beneficia sequuntur varii generis bona cum spiritualia, tum æterna.

Hactenus disputatum est de Mysterio incarnationis, sicut expressis verbis ita fuit revelatum, ut ab Abrahamo secundum suas causas cognosci potuerit, & cognitum est. Erant præterea aliam quoque, unde vel Abrahamus idem mysterium potuit nosse, vel nos hodie, luce novi fœderis illuminatiores, intelligere & illustrare

illustrare possumus. Erant (2.) *Typi*, & illi varii. Illustriores erant *sacrificia*, in quibus præfigurabatur Messia passio & mors, quo de ex professo disputavit D. Wolfgangus Franzius in schola sacrificiorum : Consequenter intimabatur ejusdem incarnatio, quia merus DEUS non potest mori : Erant *apparitiones* sub specie humana à Filio DEI factæ. Ipse enim & ad humana semper colloquia descendit ab Adam, usque ad Patriarchas & Prophetas, in visione, in somno, in speculo, in enigmate, ordinem suum præstruens ab initio semper. Quæ erat persecuturus infinita ; semper ediscebat, & DEUS, in terris cum hominibus conversari non alius potuit, quam sermo, qui caro erat futurus. &c. Tert. ad v. Prax. c. 16. Confer. c. 9. de carne Christ. Novat. de Trinit. c. 26. Patres Antiochenos in literis ad Paulum Samosatenum, Lutherusenar. in Gen. XXII. f. 199. b. piè observat quod, & cur DEUS in S. literis per sæpe humano more nobiscum loquatur, nempe, ut innueret, se hominem futurum fuisse : *Dulcissima enim sunt ejusmodi descriptiones, quando scriptura de DEO, tanquam de homine loquitur, & humana omnia ei attribuit, quod loquatur nobiscum familiariter, & similia hominum sermonibus : quod gaudeat, contristetur, patiatur ut homo : propter Mysterium futura INCARNATIONIS.* Ob eam animæ causam legimus & evolvimus Vetus Testamentum, ut Christum videamus prædictum INCARNANDUM, non solum verbis, sed etiam variis figuris & factis. Hæc ille. (3.) *Mutatio vel impositio nominum.* DEUS Abrahamæ nomen mutavit in Abrahamum, addito ה, ut significaret Patrem multitudinis, pnta credentium. Sed & Sarai nomen aliud fecit, ut שרה diceretur, q. d. principissa multitudinis, & mater : Quo hæc fine? nisi ut Abrahamus & Sara vel ipsis suis nominibus docentibus scirent ex suo semine proditurum esse Filium, per quem omnes credentes in filios DEI adoptarentur, & ita ipsius fidelis Abrahami & Saræ filii redderentur. Rom. IV. 12. Gal. III. 29. IV. 28. Omnes credentes totius orbis terrarum ab eo (Abrahamo) suum principium habent propter Christum, in quo benedictionem consequuntur : quamobrem Patrem multarum gentium positurum significat. Ita noster Marbach. in Gen. p. 169. & p. 173. Quod (DEUS Gen. XVII.) promittit, reges & gentes à Sara prodituras, impletum est primum in Isaac, ex quo Jacob & Esau duæ gentes natae sunt. quarum utraq; reges habuit ; maxime autem IN CHRISTO impletum, cujus

gentium reges se subdiderunt : qui etiam omnes credentes facit reges & sacerdotes. Idem vult subindicatum esse voce Jsaac, quæ à risu deducta est. Sic enim (DEUS) appellari vult à risu, quem Abrahamus ex admiratione & gaudio super promissione DEI habuit : Item à lætitia, quam uterque parens in nativitate ejus concepturus est; maxime autem propter Christum, ex ipso nascendum. Sic idem pag. 174.

Declararunt Abrahamus & Sara hanc suam fidem variis argumentis. In præcipuis est desiderium prolis suscipiendæ. Genes. XVI. r. seqq. Sara vel ancillam Ægyptiam Abrahamo suo jungit uxorem, ut, quandoquidem hera sterilis esset, saltem serva pro hera pareret hero hæredem. Sanctissima certè Matrona erat Sara, nec ausa fuisset polygamon facere maritum, nisi omni conatu studuisset promissionem seminis benedicti quocunque modo promovere : sed nec Abrahamus sustinuisset aliam sibi jungi, nisi sub hac opinione : DEUS tibi promisit semen, Sara autem tua sterilis est; igitur aliam esse ducendam Deus indigavit. vide Luther. ad Gen. XVI. & Eras. Marbach. ad l.c. Accedit juramentum quod Abrahamus Eliezeri præstare voluit, Gen. XXIV. v. 2. In isto enim juramento ea præcipue Cæremonia miranda est, quod Eliezer manum suam sub femore heri sui posuerit & juramentum & eposuerit. Videretur alicui ea fuisse idololatrica : & pudenda cæremonia, jurare per fœmur, & consequenter per membrum virile hominis alicujus. Sed sciendum adeo crassos non fuisse sapientissimos & sanctissimos viros, ut eo infantiæ venirent. Sanctius aliquod suberat mysterium, nempe futuræ incarnationis. Ipse Dei Filius è semine Abrahami assumpturus credebatur humanam naturam, ut mulier è semine Abrahami prognata, futura fuerit mater ipsius Dei, hoc venerabatur, Domino suo docente, Eliezer servus, & per hujus *Eliezer* nomen juramento sese obligabat sanctissimo : Abraham præclare hunc locum intellexit : In semine tuo benedicentur omnes gentes, quod Christum includit : Et propter Christi ortum ex lumbis Abrahæ, ex quibus lumbis venit universum genus humanum omnia putra, munda, & sancta reputentur. Quia est idem semen, & eadem caro, qua nos sumus. Sed ipse verè sanctus est, & per miraculum conceptus, non sicut nos, sed sine patris ardore, libidine, impudicitia, turpitudine, fœditate, etiam sine dolore matris natus, & tamen est semen Abrahæ. Hoc significatum est, quando Abraham jubet servum ponere

vere manus in semur, quia Christus est in semore. Ita Luther. enar. f. 330. Confer. Chemnit. harm. Evang. fol. 1924. Clilichtov, in Cyril. f. 558. Barrad. harm. f. 68. in Joh. VIII.

ASSERTIO V.

*Abrahamus hac fide in Messiam nascendum
justificatus, & salvatus est.*

PROBATUR (I.) in genere ex Act. IV. 12. Hoc enim in loco simpliciter excluduntur omnia alia salutis media, solo Jesu nomine pollente. Nomen autem Jesu includit etiam Filii Dei incarnationem, quippe qua mediante factus est Jesus noster seu Salvator. Salvare enim homines non potest nisi is, qui non solum Deus, sed etiam homo est. Ex Act. X. 43. ubi eadem phrasis repetitur, nempe quod in nomine Jesu remissionem peccatorum accepturi sint omnes credentes: credens autem fuit Abrahamus, & remissionem peccatorum accepit Rom. IV. 3. seqq. accepit igitur in nomine Jesu, aliquando incarnandi (II.) In specie, quod Abrahamum concernit Gen. XV. 6. extant verba: Credidit Abraham Deo, & imputatum est ei ad justitiam. Clara verba sunt, fidem Abrahamo imputatam esse ad justitiam, explicante Paulo Rom. IV. 3. & 5. & 9. Id igitur unice jam demonstrandum est, quod istius fidei fuerit objectum, cujus virtute Abrahamum justificarit. Præcedentia verba id nos docent: Eduxit (Deus) eum (Abrahamum) foras, & ait: Eja intueri cælum, & numerare stellas, si poteris eas numerare: Et dixit illi: sic erit semen tuum. Loquitur de semine, sed quo? corporali, an spiritali? Respondet Lutherus: occultè Moses ostendit, hic includi promissionem de semine spiritali & cælesti: Et paulo post: promissio est de spiritali semine, ut recta consequentia statuas, amplectentes hoc semen, seu credentes in Christum esse justos. Hæc ille: Et merito. Fides enim versatur circa promissionem, quam apprehendit: incarnatio autem Messiae erat promissio, vel potius res promissa. Rom. IV. 13. seqq. circa ipsam igitur versabatur fides, quæ ad justitiam Abrahamo est imputata. Hæc ipsa justitia per circumcisionem fuit obsignata. Vocatur enim sigillum justitiæ Rom. IV. 11. Ejus nimirum justitiæ, quam per fidem accepit Abrahamus. Cir-

cumcisio notabat , inter alia myſteria etiam incarnationem Meſſiæ ex gente circumciſa futuram , adeoque & obſignabat ſi-
dem , quæ Meſſiam ex Judæis naſcendum apprehendebat : Non
enim circumciſio , ut opus , per ſe valebat , ſed fides in promiſſionem circumci-
ſioni additam : ait Lutherus. Et paulo poſt , agens de pacto inter
Deum & Abrahamum facto : Ampliſſima , ait , & vere magnifica pro-
miſſio eſt , quod pacto confirmat Deus , ex Abrahe ſemine naſcituram Eccle-
ſiam , qua habitet in terra Canaan , uſque dum naſcatur Chriſtus , ut omnes
tum gentes , tum Judei , qui credituri ſunt , quod Abraham credidit , ſalvi
fiant. In hoc enim ſignaculum circumciſionis ei datur , ut per juſtitiam
fidei , qua in Abraham eſt , ſalventur omnes &c. Eadem fide etiam ſalva-
tus eſt Abrahamus. Nam videndo diem Meſſiæ gaviliſus eſt , quod
conſequens eſt juſtificationis & ſalutis apprehenſa : Et credendo
factus eſt hæres promiſſionis , in qua & æterna ſalus incluſa eſt.
Confer. Joh. VIII. 56. Rom. IV. 5. 6. 7. 8. Gal. III. 29. IV. 30. Egre-
giè Brentius Comm. in Joh. l. c. ſcribit : Cum Chriſtus dicit Abraha-
num ex fide in ipſum gaudio exultaſſe , ſignificat , Abrahamum non ſolum
juſtificatum eſſe , ſed etiam conſecutum æternam vitam per ipſum , ut etiamſi
viſus ſit ſuis coætaneis mori , non tamen ſit mortuus , ſed verè adhuc vivat ,
& ſit perpetuo victurus. Conſequens eſt , eadem mediante fide , Abra-
hamum in variis tentationibus fuiſſe confirmatum , & ſolatio ere-
ctum. Colligitur ex Gen. XV. 1. ſeqq. cum Deus magnificas Abra-
hamo faceret promiſſiones , regeſſit hic : Domine , Domine , quid da-
bis mihi , cum ego incedam abſq̃ liberis ? Quibus verbis ſignificat , ſine
promiſſo ſemine nullius ſele rei lætitia , aut ſolatio affici : E con-
trario , promiſſo & confirmato ſemine ſuo lætiſſima quæque &
acceptiſſima fore. Unde & Deus hoc ipſum ſolatio erigit : qui
egredietur de utero ſuo , ille hæres tuus erit. Auctor epistolæ ad He-
bræos c. XI. 13. eodem digitum intendit , cum ait , veteres promiſ-
ſionem equidem non vidiffe , ſed è longinquo vidiffe , ſolatio ta-
men fuiſſe affectos , puta ex promiſſione futura , in qua & Meſſiæ
nativitas includebatur.

ASSERTIO VI.

*Eadem fuit Abrahami , qua noſtra , fides
de nativitate Meſſiæ.*

IN circumstantiis quandam fuisse differentiam ultro largimur.
 Credidit ille in Filium Dei nascendum; nos in natum; obscurius iste, nos clarius, postquam conditiones individuantes palam factæ sunt. Res ipsa vero una eademque credita est, ab isto, & nobis. Probatur è paternitate Abrahami spirituali Gal. III. 6. 7. seqq. Pater enim est omnium justificandorum, & salvandorum, quatenus exemplum præbet, quomodo isti quoque justificandi & salvandi sint. Rom. IV. 12. seqq. *Ex hoc sequitur*, ait Lutherus Com. in Gal. III. f. 78. b. *Benedictionem & fidem Abraham eandem esse, qua nostra est, Christum Abraham eandem esse, qui noster est. Christum æquè pro peccatis Abraham mortuum esse ac pro nostris. Joh. VIII. Abraham vidit diem meum, & gavisus est. Omnia ergo sunt eadem. Et Brent. in Joh. VIII. f. 495. Docet nos Christus his verbis, quod Patriarcharum ac nostra religio & fides non sint inter se diversa, sed una & eadem religio. Suffragatur Chemnit. harm. Evang. cap. 103. f. 1925. Discimus hinc unam eandemque esse fidem, in qua omnes inde ab initio orbis Patriarcha & Propheta mortui & salvi sint. Hinc Apostolus Petrus dixit in Concilio Hierosolymitano Act. XV. 11. Credimus nos per gratiam Domini nostri Jesu Christi salvari, quemadmodum & Patres. Et in edibus Cornelij (Act. X. 43.) pronunciavit: Huic JESU omnes Propheta testimonium perhibent, remissione peccatorum accipere per nomen ejus omnes, qui credunt in eum.*

Eidem sit laus & gloria sempiterna, Amen!

Filius ante patrem genitus prior extitit ipso,
 Nec tamen ætatis tempore major erat.
 Tharaides Abram Christi pater, extitit ipso
 Posterior, sed erat tempore prole prior.

Benev. E. fecit

PRÆSES.

Præstantissimo, Literatissimoque Dn. M.

CORNELIO Lösschenbrand/

Fautori & Cognato perdilecto,

EPIGRAMMA

Fecerat ex ferro Zedekijah cornua quondam,
 Ut Syriæ populos hisce feriret Achab.
 Falsidicus sed erat, cui mendax pectore Dæmon
 Sederat, hinc Vati lingua dolosa fuit.

Et

Et Tibi sic nomen CORNELI, à *cornibus* olim
 Omine non nullo, sed meliore, datum.
 Scilicet id fato jam prævidere Parentes,
 Quòd Tua Sectarum *cornua* terror erunt.
 Et quòd viridicus, non mendax, Spiritus ore
 Verbi dogma Sacri sparget ubique Tuo.
 Perge, nec augusti frustrabere nominis omen,
 Quin utriusque Tui nominis orsa tene.
Cornibus ut vires adversas macte *retundas*,
 Nec cedas latum de statione pedem.
 Ut, LOESCHENBRANDI, *fumantia* militis ora,
 Ne qua, *resinguas*, *surgere* flamma queat.
 Hòc Tua jamdudum Zelo mens *astuas* ardens,
*igne*a vis animo, nomine *fervor* inest.
 Occumbent hostes *cornuto ardore* petiti;
 Præmia sic tandem Victor opima feres.

Hoc, in signum Amicitiz, l. mq; p.

M. Albertus Adamus Rönig

SS. Theol. St.

MI DILECTE, tuas non possum carmine laudes
 Dicere, dum cathedram scandis, & ipse probas.
 Sincerè pergas domini sic quærere honorem,
 Hinc surgat, voveo, lausque decusque TIBI.

Georg: Rönig Brocomagensis.

Hanoicus.

IN Laudo qui sceptras tenes, mi Dulcis Amice,
 LOESCHBRAND; quique soles nunc informare juventam;
 Cur Tibi jam placeat cathedram conscendere? Miror?
 Ast non est mirum! quoniam quam tangere meta
 Mente cupis tota est, ingens & maxima. Rectè!
 Pergere sic pergas; maneat in tramite recto;
 Macte PATRIS SANCTI pergas defendere fidem.
 Quid Tibi tunc aliud, nisi pulchra corona manebit?

M. Iohannes Schmid, Arg.

F I N I S.







